

ԻՒՔՍ ՃԱՌԱԳԱՅԹՆԵՐԻ ՄԻ ՆՈՐ ԳՈՐԺԱ- ԳՐՈՒԹԻՒՆ

Վերջերս իբս ճառագայթները գործադրութիւն գտան և շերամապահութեան մէջ, որ ահագին գործնական նշանակութիւն ունի ճիշտ որոշելու և ընտրելու համար, թէ որ բոժոժներից պիտի դուրս գան արու և որ բոժոժներէից էգ թիթեռներ: Յայտնի է, որ մինչև օրս դժուար էր արտաքուստ որոշել այդ միակ միջոցը, որով մօտաւորապէս զանազանում էին բոժոժների համեմատական ծանրութիւնն էր, որովհետև դիտուած է, որ ընդհանրապէս էգ թիթեռնի բոժոժն աւելի ծանր է, քան թէ արուինը: Սակայն այդ միջոցը միշտ ցանկալի հետեանքի չէ հասնում, շերամապահները յաճախ սխալուում են և սխալը միանգամայն փնաս է հասցնում նրանց, որսնք ցանկութիւն ունին սերմ ստանալ, իսկ սերմը ստացուում է միայն էգ թիթեռներից:

Եւ ահա, այդ տեսակէտից ուշադրութեան արժանի են Տեսանոարի և Դւերի վերջերս կատարած դիտողութիւնները, որոնք ապացուցանում են, որ իբս ճառագայթների օգնութեամբ միանգամայն հնարաւոր է սովորական շերամի ւրդի (*Bombyx mori*) արու բոժոժը զանազանել էգ բոժոժից: Բանն այն է, որ ինչպէս բոժոժը, նոյնպէս և նրա մէջ զարգացող հարսնեակի մարմինը բոլորովին ազատ անց են կացնում իրենց միջից իբս ճառագայթները: Ընդհակառակն այն ձուերը, որ թիթեռներն ածում են բոժոժից դուրս գալուց յետոյ և որոնք հասունանում են, երբ թիթեռը դեռ ևս բոժոժի մէջն է, պարունակում են իրենց մէջ բաւական քանակութեամբ հանքային մասնիկներ (աղեր), որոնք անթափանցիկ են այդ ճառագայթների համար: Այդպիսով բաւական է ունենալ Բեռնտգենի ճառագայթների միջոցով հանած բոժոժի լուսանկարը, որպէս զի կարելի լինի ճիշտ զանազանել երկու տեսակ բոժոժները: Այս ուղղութեամբ կատարած բազմաթիւ փորձերը պարզեցին հետեւեալ հետաքրքիր երևոյթը: Այս բոժոժներից ստացուած լուսանկարի վրայ նշմարուում է բոժոժի և նրա մէջ ամփոփած հարսնեակի հաղիւ հազ նշմարելի ուրուագիծը, որ

տպացոյց է, որ մարմնի բոլոր մասերը իրենց միջից միակերպ լաւ անց են կացնում Բեռնտգենի ճառագայթները. ընդհակառակն էգ բոժոժի նկարի ուրուագծի այն մասում, ուր միջատի փորն է, նկատուում են աչքի ընկնող բազմաթիւ մութ կէտեր, որոնցով իմացուում է, որ այնտեղ կան ձուեր: Բեռնտգենի ճառագայթների այս նորագոյն գործադրութիւնը ահագին նշանակութիւն ունի, ոչ միայն վերը յիշուած պատճառով, այլ նաև նրա համար, որ արուի բոժոժները, ըստ որակի, տալիս են անհամեմատ աւելի լաւ մետաքս, քան թէ էգերինը: Բացի այս՝ երբ միանգամ հընար է լինում անսխալ կերպով որոշել էգի բոժոժը արուի բոժոժից, դորանով արուի ծանր բոժոժները, որոնք առաջ էգի տեղ ընդունուելով թողնուում էին սերմի համար, այժմ աղատուում են փչանալու վտանգից և այդպիսով ստացած մետաքսի քանակութիւնը ևս աւելանում է:

Թարգ. Ա. Ս.

ԵՐԵՎԱՆԻ ԳԱՐՈՐ

Խաչակապ գիւղում երեք բահանայ կային:

Մեծ պասի մի կիրակի երեքն էլ միմեանց ետեից բարող խօսեցին: Առաջինը սկսեց այսպէս.

— Սիրելի ժողովուրդ, մհիկս ¹⁾ գիտում էք ի՞նչ կայ, սուրբ Աւետարանի զրաղին կիրում աթաւուացարուք, սրբեցարուք մհիկս, սիրելիք, մենք սրանից ի՞նչ պտենք հսկանալ. — մթամ ²⁾ թէ մեծ պաս ա եկել. պաի լուանուանք ու սըրօ փուկենք. սրա հըմար էլ ես ձեզ աշխարօրէն մի լաւ առակ կասեմ, դէ լսեցէ՛ք: — Արջն որ արջնայ, բռաստուն օր իր ծակումը կենումայ ու բռաստուն օրից ետոյ դուս ա կալիս իր ծակիցը ու քինում մի շըռութանի ³⁾ տակ մանում, պիրանը բաց անում, ջուրը պիրանովը նի ա դառնում, ետքովը դուս դառնում: Թանց անումա թա ինչա մէջ շուր թըմզի և փորումը տանձի կձեպ չի մայ, որ նորն ⁴⁾ ու

1. այժմ. 2. իբր. 3. ջրվէժ. 4. նուրբ.